

ՍՈՑԻԱԼԻՍՏ-ՀԵՂԱՓՈԽԱԿԱՆՆԵՐԻ ԿՈՒՍԱԿՑՈՒԹՅԱՆ ՀԱՅԿԱԿԱՆ  
ԿԱԶՄԱԿԵՐՊՈՒԹՅԱՆ ՄԱՍԻՆ (1907—1921)

ՍԱՍՈՒՆԻԿ ՄԵԼԻՔՅԱՆ

1907 թ. ստեղծվեց սոցիալիստ-հեղափոխականների կուսակցության հայկական կազմակերպությունը: Դրա կազմակերպման նախաձեռնությունն իրենց ձեռքն էին վերցրել այսպես կոչված «անջատականները» կամ «եռիտասարդ դաշնակցականները», որոնք Լ. Աթաբեկյանի (Ռիխարդ) և Ա. Ամիրյանի ղեկավարությամբ 1906 թ. հեռացել էին դաշնակցություն կուսակցությունից:

1906 թ. Ա. Ամիրյանը հրապարակում է «Ժամանակն է սթափվելու Դաշնակցականի դիմումը իր ընկերներին», 1907 թ.՝ «Դաշնակցության կրիզիսը: Մի դիմում դաշնակցական բանվորության», իսկ Լ. Աթաբեկյանը՝ «Ինչու՞ ենք անջատվում դաշնակցությունից» գրքույկները<sup>1</sup>: Բացի այդ, նրանք 1907 թ. հանդես եկան պրոկլամացիայով: Դրանցում «եռիտասարդ դաշնակցականներին» առավել աչքի ընկնող ներկայացուցիչները հակադրվում էին դաշնակցությանը, պարզաբանում նրանից անջատվելու դրդապատճառները: Նրանք քննադատում էին դաշնակցության վարած քաղաքականությունը, բացահայտում նրա կեղծ «սոցիալիստական» ֆրադաբանությունը: Սակայն «եռիտասարդ դաշնակցականներին» նպատակը ոչ թե դաշնակցության մերժումն էր, այլ էսէռական երանգներով նրա Քարենորդումը, այդ կուսակցության գործունեության հարմարեցումը կովկասահայ իրականությանը և պատմական տվյալ ժամանակաշրջանի պահանջներին: Բացի այդ, առաջադրվում էին ավելի ձախ ծրագիր և ձկուն տակտիկա: Դաշնակցությունից «եռիտասարդ դաշնակցականներին» անջատվելը վկայում էր այդ կուսակցության շարքերում առաջ եկած խոր ճգնաժամի մասին: Նկատի ունենալով «եռիտասարդ դաշնակցականներին» այդ քայլը և նրանց հրապարակած պրոկլամացիան, Ստ. Շահումյանը գրել է. «Պրոկլամացիան իր բովանդակությամբ ուրախալի երևույթ է այն հայ բանվորների մեջ, որոնց մեծ մասը կանգնած է այսպես կոչված «դաշնակցականներին» կուսակցության դրոշի տակ: Այդ պրոկլամացիան նշան է այն բանի, որ հայ բանվորների մեջ ևս արթնանում է հեղափոխական խիղճն ու դասակարգային գիտակցությունը, պրոկլամացիան նշան է այն բանի, որ հիշյալ կուսակցությունում տեղի է ունենում պառակտում, որ այդ կուսակցությունը քայքայվում և կորցնում է իր ոտքի տակի հողը: Հասունացած բանվորները փախչում են այդ կուսակցությունից, որը վնաս է բերում նրանց»<sup>2</sup>:

Դաշնակցությունից «եռիտասարդ դաշնակցականներին» անջատվելու փորձեր նկատվել էին դեռևս 1905 թ.: Սկսված հեղափոխությունը պարզեցնում, բյուրեղացնում էր հարաբերությունները դասակարգերի, կուսակցությունների, նույն կուսակցության աջ և ձախ թևերի մեջ: Պառակտվում էր նաև դաշնակցությունը: 1905 թ. Երևանում ձախ, դեկավարությունից դժգոհ տարրերը հեռացան դաշնակցությունից և մի քանի էսէռ ուսանողների հետ միասին հիմնեցին էսէռական կազմակերպությունը<sup>3</sup>: Նույնպիսի կազմակերպություն 1906 թ.

1 Խ. Հ. Բարսեղյան, Մարքսիզմի տարածումը Հայաստանում, գիրք երկրորդ, Երևան, 1975, էջ 539—540:

2 Ստեփան Շահումյան, Երկերի լիակատար ժողովածու, հ. 1, Երևան, 1975, էջ 395:

3 «Знамя труда», Тифлис, 11, IV. 1917.

ստեղծվել էր նաև Բաքվում: Տեղի նահանգական ժանդարմական վարչությունը Պետերբուրգ<sup>4</sup> ուստիականության դեպարամենտ հղած հաշվետվության մեջ հայտնում էր, որ «Բաքվում հայտնաբերված է սոցիալիստ-հեղափոխականների հայկական կազմակերպության լավ սարքավորված տպարանը»<sup>5</sup>: «Անջատականներ» հարցը բազմիցս քննարկման առարկա դարձավ թե էսէռական կազմակերպությունների կոնֆերանսներում ու համագումարներում և թե դաշնակցության խորհրդակցություններում: Վիճաբանության տեղիք էր տալիս այն հարցը, թե ի՞նչ ձևով պետք է կազմավորվի հայկական էսէռական կազմակերպությունը, որպես սոցիալիստ-հեղափոխականների կուսակցության առանձին ֆրակցիա<sup>6</sup>, որպես առանձին էսէռական հայկական կուսակցություն<sup>7</sup>, թե՛ հայ էսէռները պետք է համարվեն սոցիալիստ-հեղափոխականների կուսակցության սովորական անդամներ: Այդ հարցը քննարկվեց նաև սոցիալիստ-հեղափոխականների կուսակցության Կենտկոմում և վերջնական լուծում ստացավ էսէռների Կենտկոմի և Անդրկովկասյան մարզային կոմիտեի 1907 թ. հունիսի 14-ին ժնկում կայացած միացյալ կոնֆերանսում<sup>8</sup>: Այնտեղ քննարկվում են այն պայմանները, որոնցով «երիտասարդ դաշնակցականները» պետք է մըտնեն սոցիալիստ-հեղափոխականների կուսակցության մեջ: Ընդունված բանաձևում նշվում էր. «1. Այսուհետև «երիտասարդ դաշնակցականների» կազմակերպությունը դադարեցնում է իր գոյությունը: 2. Մտնելով սոցիալիստ-հեղափոխականների կուսակցության մեջ, հայ ընկերները հայկական աշխատավոր մասսաների շրջանում պրոպագանդիստական և կազմակերպչական աշխատանքների ավելի արդյունավետ կազմակերպման համար կազմակերպում են «սոցիալիստ-հեղափոխականների կուսակցության հայ կազմակերպությունը» հետևյալ հիմունքներով՝ ա) հայկական էսէռական կազմակերպություններում, որպես սկզբնական կազմակերպություններ, հանդիսանում են հայկական շրջանային կոլեկտիվները, բ) կազմակերպության շրջանային ժողովի անդամներն ընտրվում են շրջանային կոլեկտիվի կողմից, գ) շրջանային կոլեկտիվը հայկական կոլեկտիվի հետ կազմում է շրջանի էսէռական միացյալ կոմիտե, դ) օրենսդիր մարմինը կենտրոնական ժողովն է, ե) կենտրոնական ժողովի անդամները հավաքագրվում են ինչպես հայկական, այնպես էլ միացյալ կազմակերպությունների անդամներից»:

Կոնֆերանսի աշխատանքներն ավարտվելուց հետո սոցիալիստ-հեղափոխականների կուսակցության հայկական կազմակերպությունը 1907 թ. հուլիսին հանդես է գալիս հատուկ «Ազդով», որտեղ ի գիտություն դաշնակցության և էսէռական կուսակցության նշվում էր, որ «երիտասարդ դաշնակցականների կազմակերպության ինքնուրույն գոյությունը դադարեցվում է: Սոցիալիստ-հեղափոխականների կուսակցության ոչ մի հայկական ֆրակցիա կամ հայկական կազմակերպություն, իբրև առանձին ինքնավար կազմակերպություն, իր գործադիր կամ օրենսդիր մարմիններով գոյություն չունի»<sup>9</sup>: Միաժամանակ նշվում էր, որ «այն տեղերում, ուր բացառապես հայ ազգաբնակչություն է, գոյություն ունեն ս.-հ. կուսակցության կոմիտեներ: Այն տեղերում, ուր ազգաբնակչությունը խառն է, ինչպես օրինակ Բաքու, Բաթում, Քիֆլիս և այլն, համակուսակցական սկզբնական բջիշներին կից կազմվում են հայկական շրջանային ժողովներ և հայկական շրջանային կոլեկտիվներ: Իսկ քաղաքային կո-

<sup>4</sup> Центральный государственный архив Октябрьской революции СССР, ДП, ОО, 1905 г., д. 80, ч. 38, л. 10.

<sup>5</sup> А. И. Спиридович. Партия социалистов-революционеров и ее предшественники, 1886—1916, Пг. 1918, с. 404.

<sup>6</sup> Նույն աեղում:

<sup>7</sup> ՄՄԿԿ Կենտկոմի անդամները մարքսիզմ-լենինիզմի ինտերնացիոնալի հայկական մասնաճյուղի կուսարխիվ, ֆ. 4043, ց. 1, գ. 1, թ. 49:



միտենները, մարզային համագումարները և կոմիտեները կարող են լինել միայն համակուսակցական»<sup>8</sup>։

Այսպիսով, 1907 թ. հունիսին Բաքվում ձևավորվեց սոցիալիստ-հեղափոխականների կուսակցության հայկական կազմակերպությունը։ Դա ուսական սոցիալիստ-հեղափոխականների կուսակցության հայկական մասնաճյուղն էր։ Էսէռների հետ դաշնակցականների ծրագրային կապերի, նրանցում իշխող հեղափոխական ֆրազի գրեթե նույնության և դաշնակցականների կուսակցության պառակտման փաստը չի վերաբերում Վ. Ի. Լենինի ուղարկությունից։ «Սոցիալ-դեմոկրատիայի ագրարային ծրագիրը 1905—1907 թվականների ուսական առաջին հեղափոխության ժամանակ աշխատության մեջ, քննելով տարբեր կուսակցությունների ծրագրերի բովանդակությունը, Վ. Ի. Լենինը նշել է, որ «Դաշնակցությունը... մոտիկ է էսէռներին, իսկ «Երիտասարդները» նույնիսկ մտնում են ս.-հ. կուսակցության մեջ»<sup>9</sup>։

Շուտով էսէռների հայկական կազմակերպության մասնաճյուղեր են ստեղծվում նաև Թիֆլիսում, Ալեքսանդրապոլում, Կարսում, Երևանում, Շուշիում, Նիղավետպոլում, Բաթումում և այլ քաղաքներում։ Կազմակերպության անդամների թիվը 1907 թ. ընթացքում գնալով աճում էր։ Դա բացատրվում էր նրանով, որ դաշնակցության շատ անդամներ, որոնք դժգոհ էին կուսակցության քաղաքականությունից և տակտիկայից, հեռացան նրանից և մտան նոր ձևավորվող կազմակերպության մեջ։ Բաքվի էսէռների հայկական կազմակերպությունը 1907 թ. իր շարքերում ընդգրկում էր 670 անդամ, իսկ Թիֆլիսինը՝ 200<sup>10</sup>։ Ընդհանրապես Անդրկովկասում գործող բոլոր հայկական կազմակերպությունները միասին իրենց շարքերում ընդգրկում էին մոտ 1200 անդամ։ Էսէռների հայկական կազմակերպությունում, բացի Լ. Աթաբեկյանից, ակտիվ դեր էին կատարում Վ. Մենախորյանը, Վ. Խորխորունյան, Գ. Մելիք-Շահնազարյանը, Գ. Բաղադ-Աղաջանյանը, Բյուզանդը և ուրիշները։ 1908 թ. մարտից Բաքվում սկսում է լույս տեսնել էսէռների հայկական կազմակերպության անդրանիկ օրգան «Անիվ» շաբաթաթերթը, որի խմբագիրը Գ. Բաղադ-Աղաջանյանն էր։ Թերթը հայտարարում էր, որ իրենք ոչ մի կապ չունեն դաշնակցության հետ<sup>11</sup>։

Պետք է նշել, որ «Երիտասարդ դաշնակցականների» անջատումը կուսակցությունից և հայ էսէռների կազմակերպության ստեղծումը նկատելի հարված էին դաշնակցությունը, որը սկսած 1905 թ. պահվում էր սոցիալիստական ֆրազներով և ճգնում էր աշխատավորների աչքում հեղափոխական երևալ։ Շուտով դաշնակցականները սկսեցին սիրաշահել էսէռներին, էսէռների հայկական կազմակերպությունը որակել որպես «Երկու հինավուրց բարեկամների միջև բուռնաժ անախորժ անջրպետ»<sup>12</sup>։ Էսէռները նույնպես դեմ չէին դաշնակցության հետ համագործակցելուն, հատկապես տեղորի, ագրարային ծրագրի (հողի սոցիալիզացիա) և այլ բնագավառներում։ Ուղարկվել է, որ Վ. Լոնկեկը, որը էսէռական Կենտկոմի անդամ էր և 1917 թ. «Դեկտ նարոդա» թերթի խմբագիրը, Երևանից «Արարատսկի» ծածկանունով աշխատակցում էր դաշնակցության օրգան «Դրոշակին»<sup>13</sup>, նկատի ունենալով էսէռա-դաշնակցական համագործակցությունը, բոլշևիկյան «Պրոլետարիատի կոիվը» թերթը դեռևս 1905 թ. գրում էր. «Ի՞նչ տեսակ վարագույրով էլ որ ծածկվեն, ինչքան էլ որ «դաշնակցական-

<sup>8</sup> Центральный государственный исторический архив Азерб. ССР, ф. 46, оп. I, д. 1с, л. 75.

<sup>9</sup> Վ. Ի. Լենին, ԵԺ, հ. 16, էջ 471։

<sup>10</sup> «Знамя труда», 12, IX. 1907.

<sup>11</sup> «Անիվ», 8. VI. 1908։

<sup>12</sup> Նույն տեղում, 6. VII. 1908։

<sup>13</sup> Մ. Վ. Արզումանյան, Բոլշևիկների գործունեությունը և հեղափոխական շարժումները Հայաստանում 1907—1917 թվականներին, Երևան, 1959, էջ 188։





վրա դաշնակցության և բուրժուազգայնական մյուս կուսակցությունների ազդեցությունը նկատելիորեն նվազում էր։ Այդ բանավորների գերակշռող մասը համախմբվում էր հեղափոխական սոցիալ-դեմոկրատիայի շուրջը, իսկ մի նշին մասն էլ հարում էր էսէռներին և մանրբուրժուական սոցիալիստական այլ ուղղություններին։

Հայկական կազմակերպության վերաբերյալ հաշվետվությունը լսելուց հետո համագումարում ընդունվում է հետևյալ բանաձևը. 1) մարզային կոմիտեն առաջարկում է կազմել հանձնաժողով՝ համահայկական կոնֆերանս հրավիրելու համար, 2) կոնֆերանսը պետք է ընտրեր միացյալ կենտրոն, որը կմիավորեր բոլոր հայկական էսէռական կազմակերպությունները։

1910 թ. ոստիկանության հետապնդումների հետևանքով հայտնաբերվում են բազմաթիվ էսէռական կազմակերպություններ, իսկ Բաքվում 1910 թ. ապրիլին բռնագրավվում է տեղական կազմակերպության տպարանը։ Ցարական պահոդակալ բաժանմունքը, որը, հավանաբար պրովոկատորների օգնությամբ, ամեն ջանք թափում էր արմատախիլ անելու ոչ միայն սոցիալ-դեմոկրատական, պրոլետարական, այլև դեմոկրատական շարժումը, վերացնում է նաև էսէռական կազմակերպությունները։

1912 թ. հունիսին գումարվում է Բաքվի էսէռական կազմակերպության խորհուրդը<sup>20</sup>։ Այնտեղ ներկայացված էր նաև էսէռական հայկական կազմակերպությունը, որի մասին մոտ երկու տարի ոչինչ հայտնի չէր։ Հայկական կազմակերպության ներկայացուցիչը նշում էր, որ կուսակցական աշխատանքը կազմակերպությունը վերսկսել է 6 ամիս առաջ։ Կազմակերպության առաջնահերթ խնդրերը համարվում էր հայերեն լեզվով կուսակցական օրգանի հրատարակումը։ Հայկական կազմակերպության ներկայացուցիչը նաև նշում էր, որ Անդրկովկասի պայմաններում կուսակցության անլիզալ աշխատանքը արդյունավետ չէ, անհրաժեշտ է դուրս գալ լեզալ աշխատանքի, հատկապես աշխուժացնել աշխատանքն արհմիություններում։ Ձգտելով ղեկավար դիրք ձեռք բերել բանվորական այդ մասսայական կազմակերպություններում, էսէռները պրոպագանդում էին նրանց «անկուսակցականության» և «չեզոքության» գաղափարը։ Հասկանալի է, որ իրենց նման գործունեությամբ նրանք թուլացնում էին այն պայքարը, որ մղում էին արհմիությունները բոլշևիկյան կազմակերպությունների ղեկավարությամբ։

էսէռների գործունեությունը 1912—1914 թթ. սահմանափակվում էր գաղտնի հավաքների կազմակերպմամբ, թոուցիկների և կոչերի հրատարակմամբ։ Առաջին համաշխարհային պատերազմի տարիներին էսէռներին դիրքերն Անդրկովկասում բավականին թուլացան։ Նոր պայմաններում նրանց կազմակերպությունների մի մասը չդիմացավ և ջախջախվեց, Անդրկովկասի էսէռների բազմաթիվ գործիչներ ձերբակալվեցին և արտոլվեցին Ռուսաստանի հեռավոր շրջանները։ Նրանց մի մասը բռնեց վտարանդիության ուղին։

Անդրկովկասում սոցիալիստ-հեղափոխականների կուսակցությունն «իր երկրորդ ծնունդը» ապրեց 1917 թ. փետրվարյան հեղափոխությունից հետո, երբ նրանց պատմության մեջ սկսվեց, ինչպես իրենք՝ էսէռներն էին գրում, աննախադեպ և «փառավոր» մի շրջան<sup>21</sup>, իր գործունեությունն ակտիվացրեց նաև էսէռների հայկական կազմակերպությունը։

1918 թ. հունվարի 18-ին Թիֆլիսի 3-րդ արական գիմնազիայի շենքում իր աշխատանքներն է սկսում էսէռական հայկական կազմակերպությունների ներկայացուցիչների համագումարը<sup>22</sup>։ Նրա աշխատանքների մասին Թիֆլիսի աջ էսէռական «Ձնամյա տրուդա» թերթում տպագրված հաղորդագրության մեջ նշվում էր, որ Բաքվից, Նիզավանդակից, Սարիգամիշից և այլ քաղաքներից պատգամավորներ չէին եկել, դա պատճառաբանելով «հաղորդակցության

20 «Знамя труда», сентябрь, 1912.

21 «Ասքանազ Մուսվյան, նշվ. աշխ., էջ 121։

22 «Знамя труда», 23. I. 1918.

դժվարություններով: Համազումարի աշխատանքներին մասնակցում էին պատգամավորներ հիմնականում հետևյալ կաղամակերպություններից. Թիֆլիսից, Երևանից (Պ. Ստամբուլցյան), Ախալցխայից (Մ. Քոսյան), Կարսից (Վ. Մարգարյան), էջմիածնից (Ա. Սկունի) և ուրիշներ: Հայկական կազմակերպության ներսում նույնպես իրեն զգացնել էր տալիս աչ և ձախ խմբավորումների անհաշտ պայքարը, թեպետ և առանձին հայկական ձախ էսէռական կաղամակերպություն ստեղծելու վերաբերյալ տվյալներ չունենք:

Հայաստանի «անկախության» հռչակումից հետո Ազգային հորհուրդը Թիֆլիսից տեղափոխվում է Երևան: Նրա կազմում էին դաշնակցականներ, մի քանի մենշևիկներ ու էսէռներ: «Եկվոր էսէռները,— գրում էր Ա. Մուսվաթյանը,— այստեղ գտան մի քանի ուրիշ ընկերներ ևս և կազմեցին սկզբում Հայաստանի հորհրդի, ապա պառլամենտի սոցիալիստ-հեղափոխականների ֆրակցիան»<sup>23</sup>, 1919 թ. օգոստոսի 1-ին բացվում է հիմնականում դաշնակցականներից բաղկացած Հայաստանի պառլամենտը: «Մյուս քաղաքական կուսակցություններից,— գրում էր Հ. Քաջաղնունին,— ներկա էր միայն սոցիալիստ-հեղափոխականը, որը գրավել էր ընդամենը յոթ տեղ»<sup>24</sup>: Հայաստանի պառլամենտի էսէռական ֆրակցիայի անդամներն էին Ա. Խոնդկարյանը (նախագահ), Լ. Թումանյանը, Դ. Զուբյանը և Վ. Մենախորյանը<sup>25</sup>:

1918—1920 թթ. Հայաստանում համեմատաբար խոշոր էսէռական կազմակերպություններ էին գործում Երևանում, Ալեքսանդրապոլում և Դիլիջանում: Պառլամենտի էսէռական ֆրակցիան իրեն ակտիվորեն գրսևորեց հատկապես 1921 թ. փետրվարին, երբ կարծես մոռանալով իր վաղեմի «ռուսական կողմնորոշումը», մասնակցեց Ս. Վրացյանի գլխավորությամբ կազմակերպված խռովությանը: Այսպես կոչված «Հայրենիքի փրկության կոմիտեի» մեջ որպես խնամատարության և արդարադատության գործերի վարիչներ նշանակվեցին էսէռներ Վ. Մենախորյանը, Ա. Խոնդկարյանը<sup>26</sup>, Խռովության ջախջախումից հետո նրանք հեռացան արտասահման, իսկ շարքային շատ էսէռներ կամ մտան բոլշևիկյան կուսակցության շարքերը, կամ պարտավորվեցին լոյալ դիրք գրավել սովետական իշխանության նկատմամբ:

Այսպիսով, սոցիալիստական հեղափոխության հաղթանակը լիովին որոշակի դարձրեց էսէռական մանրբուրժուական սոցիալիզմի կրակը նրա թե՛ զաղափարախոսության և թե՛ պրակտիկ գործունեության ընազավառնելով: Վ. Ի. Լենինի դիպուկ արտահայտությամբ՝ «Ֆրազի հերոսները»<sup>27</sup> չգիմացան և չէին էլ կարող դիմանալ հասարակական հարաբերությունների հեղափոխական վերափոխման մեծ բեկմանը և, անփառունակ հետք թողնելով, հեռացան պատմության թատերաբեմից:

## ОБ АРМЯНСКОЙ ОРГАНИЗАЦИИ ПАРТИИ СОЦИАЛИСТОВ-РЕВОЛЮЦИОНЕРОВ (1907—1921)

САСУНИК МЕЛИҚАН

### Резюме

Создание в июне 1907 г. Армянской организации партии социалистов-революционеров явилось заметным событием в жизни эс-

<sup>23</sup> Ասքանազ Մուսվաթյան, նշվ. աշխ., էջ 131:

<sup>24</sup> Հովհ. Քաջաղնունի, Հ. Յ. Դաշնակցությունը անելիք չունի այլևս, Վիեննա, 1923, էջ 37—38:

<sup>25</sup> «Սոցիալիստ-հեղափոխական», Երևան, 11. IV. 1920:

<sup>26</sup> Կ. Հ. Բարսեղյան, նշվ. աշխ., էջ 548:

<sup>27</sup> Վ. Ի. Լենին, ՆԺԺ, հ. 32, էջ 285:

еров Закавказья. Инициаторами создания этой организации являлись так называемые «молодые дашнакджаканы». Вскоре были созданы отделения Армянской организации партии социалистов-революционеров также в Тифлисе, Александрополе, Карсе, Ереване, Шуше, Елизаветполе, Батуми и других городах. Действующие в Закавказье армянские организации эсеров в своих рядах насчитывали около 1200 членов. В последующие годы Армянская организация партии социалистов-революционеров, хоть формально и существовала, однако значительно ослабла. Период активизации ее деятельности в Закавказье приходится на 1917—1920 гг.

Победа социалистической революции обусловила полный крах мелкобуржуазного социализма как в России, так и в Армении. Эсеры не смогли противостоять коренному перелому в общественных отношениях и, оставив бесславный след, сошли с исторической арены.